

Ulangtahn Hari Kebangsaan

26

# Persefahaman untuk kukuhkan ketahanan



DATUK SERI DR MAHATHIR MOHAMAD

**A**LHAMDULLILLAH, dengan limpah rahmat, dan hidayat Allah Subhanahu Wa-taala, dan dengan persefahaman dan muafakat, kita telah dapat menghadapi berbagai-bagai cabaran pada tahun ke-26 kita merdeka.

Keadan kemestean ekonomi antarabangsa masih berterusan. Walaupun ada tanda-tanda yang menunjukkan keadaan sudah mula menjadi semakin baik, kita mestilah berhati-hati bagi menjamin bahawa segala usaha yang telah dibuat selama 26 tahun untuk membina negara kita tidak terjejas.

Tanggungjawab memelihara kemerdekaan dan kehormatan negara bukanlah tanggungjawab pihak-pihak tertentu, seperti para pemimpin, atau pegawai kerajaan, ataupun pihak tentera dan polis semata-mata. Tugas ini merupakan tugas bersama, dan tidak seorang pun yang cintakan negara boleh menganggang dirinya dikesualikan.

Feranan utama setiap orang daripada kita dalam memelihara negara yang kita sayangi ini ialah dengan sentiasa memberi ketahanan kepada kepentingan umum dan kepentingan jangka panjang lebih daripada kepentingan diri dan kepentingan jangka pendek.

Selap tindakan kita, walau dalam apa keadaan sekalipun, hendaklah sentiasa mengambili kira keadaan di negara kita, dan sejauh mana sesuatu

tindakan itu akan mendatangkan keburukan dan kebalikan kepada masyarakat dan negara akhirnya.

Kita harus ingat bahawa tindakan tiap seorang walaupun kecil kesannya tetapi amat berkesan apabila dijumlahkan kesemuanya. Sebab itu walau apa pun peranan kita dalam masyarakat, kita tidak boleh memandang ringan akan kesannya. Apa yang terjadi kepada individu atau masyarakat adalah balasan kepadanya. Jika dibuat baik, baiklah balasananya. Jika buruk, buruklah balasananya. Allah Subhanahu Wa-taala Maha Adil.

## Perbezaan

Peristiwa 13 Mei 1969 telah kita alami sebagai satu peristiwa yang pedih. Baru-baru ini beberapa negara tetangga kita telah mengalami peristiwa yang berdarah seperti yang kita alami dahulu. Kesan daripada peristiwa-peristiwa seperti ini adalah amat mendalam sekali — sebagai luka ia meninggalkan parut dan menjadi ingatan sepanjang masa. Oleh itu kita harus berhati-hati supaya perasaan dan emosi tidak terlalu menguasai tindak-tanduk dan fikiran kita pada bila-bila masa sekalipun.

Kita tidak harus lupa akan hakikat bahawa kestabilan adalah sesuatu yang amat berharga. Sekali tergugat mungkin kita akan kehilangannya buat selamanya. Kestabilan adalah asas kemajuan, dan kemajuan bersama adalah landasan kebahagiaan kita.

**Perutusan Hari Kebangsaan yang ke-26 oleh Perdana Menteri Datuk Seri Dr Mahathir bin Mohamad melalui Radio dan Televisyen Malaysia malam tadi.**

Walaupun kita sedang menghadapi tekanan kemelesetan ekonomi, kita tidak harus lupa bahawa kita mempunyai peluang keemasan untuk membimbing negara kita ke arah satu tahap kemajuan yang setanding dengan negara-negara maju. Bahkan dari usaha-usaha untuk memperolembangkan pembangunan negara kita dengan kemajuan kenderaan dan kerohanian, kita mempunyai asas untuk mencapai kejayaan lebih dari apa yang kita duga. Namun demikian, semuanya ini adalah amat bergantung kepada sejauh mana kita dapat bersama-sama berganding bahu dan berusaha.

Di dalam sesebuah negara berbilang kaum seperti negara kita, kemajuan tidak mungkin dicapai melainkan jika kita dapat mengurangkan tumpuan kita kepada soal-soal perbezaan dan kepentingan yang berlainan, dan sebaliknya kita utamakan unsur-unsur persamaan dan kerjasama. Bagi Bumiputera, tertinggalnya mereka di belakang berbanding dengan kaum lain menyebabkan perasaan iri hati dan benci yang ketara.

Sebaliknya, bagi bukan Bumiputera pula, terganggunya kemajuan mereka kerana perlunya mereka menunggu Bu-

mpuitera juga menimbulkan rasa kecewa dan muram. Tetapi, jika emosi diketepikan, maka kedua-dua pihak tentu akan mengaku bahawa tidak mungkin mereka mendapat layanan seratus peratus seperti dikehendaki oleh mereka.

Sebenarnya di negara-negara yang penduduknya terdiri dari satu kaum pun, perasaan kecewa dan marah ini ada — iaitu disebabkan oleh perbezaan taraf sosial — misalnya miskin dan kaya, bandar dan luar bandar, pekerja dan majikan dan lain-lain. Jika hakikat ini diakui dan diterima dan dengan senang hati segala urusan diteruskan dengan demokrasi tanpa terlah dipengaruhi emosi dan sentimen, nescaya kita akan berjaya dan kehidupan menjadi lebih tenang dan aman bagi semua pihak.

## Kerjasama

Maksud perkara ini ditekankan ialah supaya kita terima keadaan yang tidak dapat dielak dan diubahkan ini dengan tenang dan menjalankan tugas-tugas kita. Mereka yang dapat berbuat demikian bukan sahaja akan berjaya tetapi kehidupan mereka akan lebih sempurna dan bahagia. Bagi penduduk Malaysia yang ber-

bilang kaum penerimaan hakikat dan dasar oleh semua pihak akan membolehkan kita bekerjasama antara satu dengan lain dan kerjasama ini tetap akan membawa lebih banyak hasil.

Penerimaan dasar dan sekatan yang tidak dapat dielak dalam masyarakat majmuk yang tidak seimbang pembangunannya hendaklah dilakukan secara ikhlas. Melepaskan batuk di tangga atau pengalaman dasar secara tidak jujur, umpamanya usahasama di mana AlI tidur atau digalok supaya tidur dengan Baba, bukan sahaja akan menjejaskan pelaksanaan Dasar Ekonomi Baru tetapi mungkin akan memaksa supaya lebih banyak masa diperuntukkan untuk mencapai matlamat yang ditentukan.

Oleh itu amalkanlah Dasar Ekonomi Baru dengan jujur. Lebih cepit matlamat ini dicapai, lebih pendeklah masa yang diperlukan untuk menjayakan dasar. Dasar Ekonomi Baru bukan sahaja soal angka-angka matlamat yang dicapai, tetapi lebih penting dari itu ialah perolembangan kecekapan dan kebolehan.

Jika ini sudah dicapai maka segala pertandingan antara kaum apabila berlaku, tidak akan menjadi pertandingan yang tidak adil, di mana satu pihak jauh lebih kuat dan berkeupayaan dari pihak yang ditandinginya. Keupayaan bertanding dengan asas-asas yang sama dari semua aspek akan membawa keyakinan kepada semua pihak

dan mengurangkan perasaan ayak wasangka antara kaum.

Dalam kita berusaha menjangkakan berbagai kegiatan pembangunan, janganlah kita lupa bahawa di dalam zaman moden ini terdapat berbagai gejala yang boleh merosakkan masyarakat. Di antara gejala ini ialah pengaruh dadah. Dadah adalah amat merbahaya sekali kerana ia boleh melemahkan keseluruhan ketahanan kita sebagai kita dengan mudah boleh ditewaskan oleh orang lain.

## Dadah

Sebenarnya dadah boleh dijadikan alat oleh musuh kita untuk menghancurkan kita. Keluarga yang mempunyai anggota yang terlibat dengan dadah tentu tahu akan penderitaan yang dialami. Dan masyarakat yang dipenuhi dengan penagih dadah akan menderita sama seperti keluarga yang terlibat. Oleh itu peranglah dadah seperti kita perang sayitan.

Bersempena dengan Hari Kebangsaan negara kita kali ini, marilah kita bersama-sama berusaha meningkatkan persefahaman untuk kukuhkan lagi ketahanan kita dalam menghadapi cabaran-cabaran masa dan akan datang. Negara Malaysia adalah negara kita dan kita amat bertuah menjadi anak watananya. Bersama-sama kita mengemblem fikiran dan tenaga ke arah kemajuan dan kesejahteraan negara kita.